

Broj: 01-02-3-1087/15  
Sarajevo, 04.09.2015. godine

**Z A P I S N I K**  
**7. VANREDNE SJEDNICE PREDSTAVNIČKOG DOMA PARLAMENTA**  
**FEDERACIJE BIH, održane 31.07.2015. godine**

Sjednica je počela u 14.43.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, predstavnike Vlade Federacije BiH, Međunarodne zajednice, kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Jasmina Zubić, Sead Jusić, Zana Marjanović, Amra Haračić, Ilhan Bušatlić, Davor Vuletić, Enver Bijedić, Mujo Hasić i Ljuban Herceg.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Uslijedila je diskusija o izmjenama i dopunama dnevnog reda.

Nasir Beganović, Dženan Đonlagić, Elvir Karajbić i Boro Krišto u toku diskusija predložili su, kao predsjednici klubova zastupnika, da se 2. tačka dnevnog reda - Prijedlog Zakona o radu - povuče sa dnevnog reda 7. vanredne sjednice.

U diskusiji o izmjenama i dopunama dnevnog reda učestvovali su: Mahir Nurkanović, Faruk Ćupina, Ivan Musa, Dženan Đonlagić, Munib Jusufović, Nasir Beganović i Mahir Mešalić.

Predsjedavajući je pozvao zastupnike da se izjasne o prijedlogu predsjednika klubova zastupnika SBB, DF, SDP i HDZ 1990, koji su u svojim diskusijama predložili da se 2. tačka dnevnog reda - Prijedlog Zakona o radu (hitni postupak) - povuče sa dnevnog reda. Budući da je Dženan Đonlagić, u ime Kluba zastupnika DF, izrazio sumnju u rezultate glasanja, na osnovu pojedinačnog izjašnjenja, sa 35 glasova za, uz 50 glasova protiv i bez uzdržanih glasova, nije usvojeno da 2. tačka dnevnog reda - Prijedlog Zakona o radu (hitni postupak) - bude povučena sa dnevnog reda.

Predsjedavajući je predložio da se dnevni red proširi 8. tačkom – Izbor i imenovanja, što je usvojeno, sa 50 glasova za, uz osam glasova protiv i uz 23 uzdržana glasa.

Prešlo se na izjašnjenje o hitnosti postupka Prijedloga Zakona o radu. Budući da je Ismet Osmanović, u ime Kluba zastupnika SDA, izrazio sumnju u rezultate glasanja, na osnovu pojedinačnog izjašnjenja, sa 50 glasova za, uz 35 glasova protiv i bez uzdržanih glasova, usvojeno je da se Prijedlog Zakona o radu razmatra po hitnom postupku.

Sa 50 glasova za, uz 30 glasova protiv i uz tri uzdržana glasa, usvojeno je da se Prijedlog Zakona o izmjenama i dopunama Zakona o doprinosima tretira po hitnom postupku.

Predsjednik Kluba zastupnika SDA Ismet Osmanović izrazio je sumnju u rezultate glasanja o hitnosti postupka Prijedloga Zakona o izmjenama i dopunama

Zakona o stranim ulaganjima, te je uslijedilo pojedinačno izjašnjavanje. Sa 50 glasova za, uz 34 glasa protiv i uz jedan uzdržani glas, usvojeno je da se Prijedlog Zakona o izmjenama i dopunama Zakona o stranim ulaganjima razmatra po hitnom postupku.

Predsjedavajući je pozvao zastupnike da se izjasne o predloženom dnevnom redu 7. vanredne sjednice. Nakon glasanja, predsjednik Kluba zastupnika SDP Elvir Karajbić izrazio je sumnju u rezultate glasanja. Na osnovu pojedinačnog izjašnjavanja, sa 50 glasova za, uz 35 glasova protiv i bez uzdržanih glasova, usvojen je sljedeći:

#### D N E V N I R E D

1. Reformska agenda za BiH za period 2015.-2018. godina,
2. Prijedlog Zakona o radu – hitni postupak,
3. Prijedlog Zakona o izmjenama i dopunama Zakona o doprinosima – hitni postupak,
4. Prijedlog Zakona o izmjenama i dopunama Zakona o stranim ulaganjima – hitni postupak,
5. Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije – skraćeni postupak,
6. Prijedlog Zakona o izmjenama Zakona o čeku – skraćeni postupak,
7. Prijedlog Finansijskog plana Budžeta FERK-a za 2015. godinu,
8. Izbor i imenovanja.

Uime kluba zastupnika SBB Nasir Beganović zatražio je pauzu pola sata.

Pauza pola sata.

Nakon pauze nastavilo se sa radom po tački 1. dnevnog reda.

#### **1. Reformska agenda za BiH za period 2015.-2018. godina**

Reformsku agendu dostavila je Vlada Federacije BiH.

Uime Vlade Federacije BiH, obrazloženje Agende dao je premijer Fadil Novalić.

U raspravi su učestvovali: Sanel Razić, Nermin Nikšić, Nasir Beganović, Dženan Đonlagić, Munib Jusufović i Mahir Nurkanović.

Sa 78 glasova za, bez glasova protiv i bez uzdržanih glasova, Predstavnički dom usvojio je Zaključak kojim usvaja Informaciju o Reformskoj agendi za BiH za period 2015.-2018. godina.

Vođenje sjednice preuzeo je potpredsjedavajući Doma Mladen Bošković.

#### **2. Prijedlog Zakona o radu – hitni postupak**

Prijedlog Zakona o radu dostavila je Vlada Federacije BiH.

Uime Vlade Federacije BiH obrazloženje je dao premijer Fadil Novalić.

Uime Sindikata Domu se obratio Ismet Bajramović.

Uime Udruženja poslodavaca obratio se Sefudin Čengiđ.

Otvorena je rasprava u kojoj su učestvovali: Dženan Đonlagić, Alma Kratina, Nasir Beganović, Jozo Bagarić, Jasna Duraković-Hadžiomerović, Elvir Karajbić, Bahrudin Hadžiefendić, Damir Mašić, Mahir Mešalić, Mujo Hodžić, Dennis Gratz,

Saša Mitrović, Nermin Nikšić, Adžem Dževad, Jasmin Kadić, Zukan Helez, Mira Grgić, Mehrudin Švago, Jusuf Bubica, Munib Jusufović, Anela Šestić-Begović i Amra Kunovac.

Dženan Đonlagić zatražio je pauzu 30 minuta.

Pauza 30 minuta.

Nakon pauze, nastavljena je diskusija u kojoj su učestvovali: Nermin Nikšić, Suzana Franjka Galić, Vesna Švancer, Midhat Karović, Nasir Beganović i Dževad Adžem.

Nakon diskusija, premijer Novalić obratio se, u ime Vlade Federacije BiH, zastupnicima i dao izjašnjenje u vezi sa predloženim amandmanima. Kazao je da Vlada ne prihvata amandmane: Kluba zastupnika SDP (sedam amandmana), Kluba zastupnika BPS (jedan amandman), klubova zastupnika SDP, SBB i DF (24 amandmana) i zastupnika Damira Mašića (osam amandmana). Premijer je, također, kazao da Vlada ne može prihvatiti amandmane Azre Hadžiahmetović, ali da će Vlada prihvatiti sadržaj amandmana koji će biti inkorporirani prilikom izrade kolektivnih ugovora kao stav Vlade Federacije BiH. Zastupnica Hadžiahmetović složila se sa stavom Vlade po pitanju njenih amandmana. Naglasio je da je Vlada na 10. hitnoj sjednici, održanoj 10.07.2015. godine, donijela zaključak da prihvata zahtjev zastupnika Dennisa Gratza da se prilikom izrade kolektivnih ugovora prošire prava invalidnih osoba na način da se poslodavac obavezuje da u pisanoj formi ponudi ugovor o radu za obavljanje poslova za koje je radnik sposoban, odnosno za koje će biti sposoban nakon prekvalifikacije i dokvalifikacije.

U ime Kluba zastupnika BPS Jusuf Bubica povukao je predloženi amandman na član 170.

Usljedilo je izjašnjavanje predlagača o amandmanima.

Zastupnici su se izjašnjavali o amandmanima Kluba zastupnika SDP: Amandman I. na član 35. st. 2. i 3. nije usvojen (30 glasova za, 46 glasova protiv i bez uzdržanih glasova); Amandman II. na član 72. stav 2. nije usvojen (30 glasova za, 49 glasova protiv i bez uzdržanih glasova); Amandman III. na član 140. nije usvojen (31 glas za, 43 glasa protiv i tri uzdržana glasa); Amandman IV. na član 162. nije usvojen (29 glasova za, 48 glasova protiv i bez uzdržanih glasova); Amandman V. na član 181. stav 1. nije usvojen (29 glasova za, 46 glasova protiv i bez uzdržanih glasova); Amandman VI. na član 181. stav 2. na osnovu pojedinačnog izjašnjavanja nije usvojen (31 glas za, 49 glasova protiv i bez uzdržanih glasova) i Amandman VII. na član 169. nije usvojen (30 glasova za, 44 glasa protiv i bez uzdržanih glasova).

Zastupnici su se izjašnjavali o amandmanima zastupnika Damira Mašića: Amandman I. na član 4. stav 2. nije usvojen (29 glasova za, 42 glasa protiv i bez uzdržanih glasova); Amandman II. na Poglavlje II – “Zaključivanje ugovora o radu” - nije usvojen (30 glasova za, 42 glasa protiv i bez uzdržanih glasova); Amandman III. na član 35. stav 4. nije usvojen (30 glasova za, 41 glas protiv i bez uzdržanih glasova); Amandman IV. na član 43. kojim se dodaje novi član 43a. nije usvojen (28 glasova za, 41 glas protiv i bez uzdržanih glasova); Amandman V. na član 160. stav 2. nije usvojen (28 glasova za, 43 glasa protiv i bez uzdržanih glasova); Amandman VI. na član 162., dodaju se novi članovi 162a. i 162b. nije usvojen (27 glasova za, 40 glasova protiv i jedan uzdržani glas); Amandman VII. na član 167. nije usvojen (29 glasova za, 45 glasova protiv i bez uzdržanih glasova) i Amandman VIII. koji se odnosi na Poglavlje “Kaznene odredbe”, nije usvojen (30 glasova za, 42 glasa protiv i bez uzdržanih glasova).

Prešlo se na izjašnjavanje o amandmanima koje su podnijeli klubovi zastupnika SDP, DF i SBB: Amandman I. na član 4. nije usvojen (27 glasova za, 47

glasova protiv i jedan uzdržani glas); Amandman II. na član 12., na osnovu pojedinačnog izjašnjavanja nije usvojen (31 glas za, 48 glasova protiv i bez uzdržanih glasova); Amandman III. na član 22. nije usvojen (26 glasova za, 43 glasa protiv i bez uzdržanih glasova); Amandman IV. na član 35. nije usvojen (20 glasova za, 45 glasova protiv i bez uzdržanih glasova); Amandman V. na član 38. nije usvojen (24 glasa za, 45 glasova protiv i bez uzdržanih glasova); Amandman VI. na član 47. nije usvojen (27 glasova za, 41 glas protiv i bez uzdržanih glasova); Amandman VII. na član 50. nije usvojen (27 glasova za, 44 glasa protiv i bez uzdržanih glasova); Amandman VIII. na član 55. nije usvojen (26 glasova za, 41 glas protiv i jedan uzdržani glas); Amandman IX. na član 56. nije usvojen (27 glasova za, 41 glas protiv i jedan uzdržani glas); Amandman X. na član 72. nije usvojen (25 glasova za, 39 glasova protiv i bez uzdržanih glasova); Amandman XI. na član 74. nije usvojen (26 glasova za, 43 glasa protiv i bez uzdržanih glasova); Amandman XII. na član 75., na osnovu pojedinačnog izjašnjavanja nije usvojen (30 glasova za, 47 glasova protiv i jedan uzdržani glas); Amandman XIII. na član 96. nije usvojen (29 glasova za, 43 glasa protiv i bez uzdržanih glasova); Amandman XIV. na član 100. nije usvojen (27 glasova za, 44 glasa protiv i bez uzdržanih glasova); Amandman XV. na član 103. nije usvojen (25 glasova za, 42 glasa protiv i bez uzdržanih glasova); Amandman XVI. na član 108. nije usvojen (27 glasova za, 44 glasa protiv i bez uzdržanih glasova); Amandman XVII. na član 111. nije usvojen (28 glasova za, 44 glasa protiv i bez uzdržanih glasova); Amandman XVIII. na član 114. nije usvojen (28 glasova za, 43 glasa protiv i bez uzdržanih glasova); Amandman XIX. na član 118. nije usvojen (29 glasova za, 41 glas protiv i bez uzdržanih glasova); Amandman XX. na član 119. nije usvojen (25 glasova za, 44 glasa protiv i bez uzdržanih glasova); Amandman XXI. na član 129. nije usvojen (30 glasova za, 40 glasova protiv i jedan uzdržani glas); Amandman XXII. na član 138. nije usvojen (27 glasova za, 42 glasa protiv i jedan uzdržani glas); Amandman XXIII. na član 140. nije usvojen (28 glasova za, 40 glasova protiv i bez uzdržanih glasova) i Amandman XXIV. na član 181. nije usvojen (27 glasova za, 43 glasa protiv i bez uzdržanih glasova).

Nakon izjašnjavanja o predloženim amandmanima, potpredsjedavajući je pozvao zastupnike da se izjasne o Prijedlogu Zakona o radu.

Nakon glasanja, Ismet Osmanović je, u ime Kluba zastupnika SDA, izrazio sumnju u rezultate glasanja te je na osnovu pojedinačnog izjašnjavanja, sa 50 glasova za, uz 30 glasova protiv i bez uzdržanih glasova, usvojen Prijedlog Zakona o radu.

### **3. Prijedlog Zakona o izmjenama i dopunama Zakona o doprinosima – hitni postupak**

Prijedlog Zakona utvrdila je Vlada Federacije.

U raspravi su učestvovali Nasir Beganović i Nermin Nikšić.

Sa 50 glasova za, uz 19 glasova protiv i uz šest uzdržanih glasova, usvojen je Prijedlog Zakona o izmjenama i dopunama Zakona o doprinosima.

#### **4. Prijedlog Zakona o izmjenama i dopunama Zakona o stranim ulaganjima – hitni postupak**

Prijedlog Zakona utvrdila je Vlada Federacije.

U ime Vlade Federacije BiH dodatno obrazloženje dao je premijer Fadil Novalić.

U raspravi niko nije učestvovao.

Sa 50 glasova za, uz dva glasa protiv i uz dva uzdržana glasa, usvojen je Prijedlog Zakona o izmjenama i dopunama Zakona o stranim ulaganjima.

#### **5. Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije – skraćeni postupak**

Prijedlog Zakona utvrdila je Vlada Federacije.

Sa 58 glasova za, uz 10 glasova protiv i uz dva uzdržana glasa, usvojeno je da se Prijedlog Zakona razmatra po skraćenoj proceduri.

U raspravi niko nije učestvovao.

Sa 62 glasa za, uz pet glasova protiv i uz dva uzdržana glasa, usvojen je Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije.

#### **6. Prijedlog Zakona o izmjenama Zakona o čeku – skraćeni postupak**

Prijedlog Zakona utvrdila je Vlada Federacije.

Predstavnik Vlade Federacije BiH dao je dodatno obrazloženje.

Sa 50 glasova za, uz 16 glasova protiv i uz osam uzdržanih glasova, usvojeno je da se Prijedlog Zakona razmatra po skraćenoj proceduri.

U raspravi niko nije učestvovao.

Sa 50 glasova za, uz 16 glasova protiv i uz osam uzdržanih glasova, usvojen je Prijedlog Zakona o izmjenama Zakona o čeku.

#### **7. Prijedlog Finansijskog plana Budžeta FERK-a za 2015. godinu**

Prijedlog Finansijskog plana FERK-a za 2015. godinu dostavljen je 01.12.2014. godine.

U ime Vlade Federacije BiH niko nije obrazlagao.

U ime FERK-a niko nije diskutovao.

Nije bilo rasprave o ovoj tački dnevnog reda.

Sa 53 glasa za, uz 19 glasova protiv i uz tri uzdržana glasa, usvojen je Prijedlog Finansijskog plana Budžeta FERK-a za 2015. godinu.

#### **8. Izbori i imenovanja**

U ime Komisije zastupnicima se obratio Mladen Bošković.

Predsjedavajući je pozvao zastupnike da se izjasne o Prijedlogu Odluke o izboru i razrješenju nekih predsjednika, zamjenika predsjednika i članova radnih tijela

Predstavničkog doma Parlamenta Federacije BiH, što je, sa 63 glasa za, uz jedan glas protiv i uz 11 uzdržanih glasova, usvojeno.

Zastupnici su se izjašnjavali o Prijedlogu Odluke o izboru članova u Parlamentarnu komisiju odgovornu za reviziju, što je, sa 60 glasova za, uz dva glasa protiv i uz šest uzdržanih glasova, usvojeno.

Sa 62 glasa za, uz tri glasa protiv i uz pet uzdržanih glasova, zastupnici su donijeli Odluku o izboru članova u Zajedničku komisiju za usaglašavanje različito usvojenih tekstova zakona u domovima Parlamenta Federacije BiH.

Na kraju su se zastupnici izjašnjavali i o izboru članova u Radnu grupu za pitanja izbora i imenovanja iz zajedničke nadležnosti oba doma Parlamenta Federacije BiH, što je usvojeno (51 glas za, 10 glasova protiv i 13 uzdržanih glasova).

Predsjedavajući je zaključio rad 7. vanredne sjednice u 00.53.

Transkript i prijepis transkripta sjednice čine sastavni dio Zapisnika.

v. d. SEKRETARA  
PREDSTAVNIČKOG DOMA  
PARLAMENTA FEDERACIJE BIH

Daniela Čegar

PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BIH

Edin Mušić

